

初中學生文庫

註釋中國民族詩選

第四集

編者 李宗鄴 增補者 喻守真



中華書局編印

註釋中國民族詩選

青 天 白 日 看 山 河

第四集 史地詩續

民國二十五年二月印刷
民國二十五年二月發行

初中學
生文庫
註釋中國民族詩選（全六冊）



第四集定價銀三角



有者不准翻印

編者 李宗鄴

增補者 喻守真

發行者 中華書局有限公司
代表人 陸費逵

印刷者 上海
中華書局印刷所
澳門路

總發行處 上海福州路 中華書局發行所

分發行處 各埠 中華書局

註釋中國民族詩選

第四集 史地詩續

目次

頁數

早發白帝城	唐李 白	一
巴陵贈賈舍人	唐李 白	一
聞王昌齡左遷龍標	唐李 白	二
黃鶴樓送孟浩然之廣陵	唐李 白	二
上皇西巡南京歌三首	唐李 白	三
峨眉山月歌	唐李 白	四
夔州歌	唐杜 甫	五
再過金陵	唐包 佶	五
宿武關	唐顧 況	六
涼州詞	唐耿 漳	六

洛中卽事 唐竇鞏

石頭城 唐劉禹錫

烏衣巷 唐劉禹錫

臺城 唐劉禹錫

讀句踐傳 唐呂溫

劉郎浦 唐呂溫

昭君詞 唐白居易

題五松驛 唐李涉

過廣陵 唐張祜

憶揚州 唐徐凝

送咸安公主 唐孫叔向

詠和親 唐蘇郁

華清宮 唐杜牧

七

七

八

八

九

九

〇

〇

一

一

一

一

一三

寄揚州韓綽判官 唐杜牧……………一三

蘭溪 唐杜牧……………一四

題桃花夫人廟 唐杜牧……………一四

泊秦淮 唐杜牧……………一五

題木蘭廟 唐杜牧……………一五

經秦皇墓 唐許渾……………一六

隋宮 唐李商隱……………一六

瑤池 唐李商隱……………一七

賈生 唐李商隱……………一七

岳陽樓 唐李商隱……………一八

南朝 唐李商隱……………一八

經蘇秦墓 唐賈島……………一九

汴河懷古 唐皮日休……………一九

吳宮懷古 唐陸龜蒙.....二〇〇

姑蘇臺 唐羅隱.....二〇〇

始皇陵 唐羅隱.....二〇一

姑蘇臺 唐胡曾.....二〇一

孟津 唐胡曾.....二〇二

易水 唐胡曾.....二〇二

長城 唐胡曾.....二〇三

居延 唐胡曾.....二〇三

南陽 唐胡曾.....二〇四

赤壁 唐胡曾.....二〇四

玉門關 唐胡曾.....二〇五

銅柱 唐胡曾.....二〇五

峴山 唐胡曾.....二〇六

東晉	唐胡曾	二六
八公山	唐胡曾	二七
焚書坑	唐章碣	二七
仲山	唐唐彥謙	二八
馬嵬	唐徐夔	二八
西施	唐崔道融	二九
桐廬白雲村	宋范仲淹	二九
宰嚭	宋王安石	三〇
召平	宋王安石	三〇
讀開元天寶遺事二首	宋蘇軾	三一
題西林壁	宋蘇軾	三一
范增	宋張文潛	三一
五國城題壁	宋徽宗	三三

越州歌二首

宋汪元量

三三

蜀道

宋汪元量

三四

馳兵新淦題伏魔寺壁

宋岳飛

三五

雜感

宋陸游

三五

追感往事

宋陸游

三六

雪溪

宋楊萬里

三六

讀陳蕃傳

宋楊萬里

三七

三月晦日遊越王臺

宋楊萬里

三七

愚溪

宋劉克莊

三八

同安

宋劉克莊

三八

洛陽橋

宋劉克莊

三九

釣臺

宋戴復古

三九

金陵懷古

宋曾景建

四〇

三高祠

宋劉寅

四〇

羞塚

宋周卯

四一

楊妃

宋真山民

四一

竹枝詞二首

宋孫嵩

四二

漢武帝

宋葉紹翁

四三

秦望山

宋林景熙

四三

隴山鸚鵡

宋失名

四四

初登潞州

金元好問

四四

黃華峪

金元好問

四五

西湖

元宋无

四五

羞塚

明方孝孺

四六

過閩關

明劉基

四六

讀史二首

明高啓

四七

范蠡 明高啓……………四八

望武昌二首 明楊基……………四八

江上二首 明汪廣洋……………四九

入峽二首 明詹同……………五〇

子游墓 明王賓……………五一

過清流關 明殷奎……………五二

長沙懷古 明王偁……………五二

重登岳陽樓望君山 明王偁……………五三

雨中過洞庭 明王偁……………五三

廣陵 明夏鐸……………五四

潼關 明王廷相……………五四

貴州雜咏 明楊慎……………五五

過邯鄲縣 明尹耕……………五五

巫夔道中雜歌四首……………明黃輝……………五六

西陵……………明錢希言……………五八

陳宮懷古……………明沈愚……………五八

讀史……………明金俊明……………五九

秦寡婦良玉……………明張寧……………五九

古北口……………明顧炎武……………六〇

上都……………明范玉壺……………六〇

方正學祠二首……………明孫承宗……………六一

蜀岡懷古二首……………明屈大均……………六二

臺城春望……………明屈大均……………六三

詠史……………明熊廷弼……………六三

經漢光武白水村……………明會旣……………六四

謁明寧靖王墓……………明陳肇興……………六四

題賈似道湖山圖

明女陳玉

六五

虞姬

明女朱靜庵

六五

赤壁

明僧正崑

六六

送劉編修鴻訓頒詔朝鮮二首

清錢謙益

六六

虞兮

清吳偉業

六七

豫讓橋

清計東

六八

驪山懷古

清王士禛

六八

張麗華祠二首

清王士禛

六九

楚懷王墓

清王士禛

七〇

詠史

清陸次雲

七〇

嶺南竹枝詞

清彭孫適

七一

十八灘

清徐鉉

七一

桃花扇詞

清孔尚任

七二

湖上竹枝詞

清嚴繩孫

七二

越江詞

清朱彝尊

七三

嶺外歸舟雜詩

清朱彝尊

七三

揚州懷古

清汪琬

七四

題息夫人廟

清鄧漢儀

七四

吳中雜詠二首

清梁佩蘭

七五

李白填詞

清沈樹木

七六

西湖雜書

清黃任

七六

彭城道中

清黃任

七七

蕪城感舊

清許廷鑠

七七

吳宮詞

清龐鳴

七八

題李後主百尺樓

清袁枚

七八

西施

清袁枚

七九

張麗華二首

清袁枚

七九

玉環

清袁枚

八〇

再題馬嵬驛二首

清袁枚

八一

莫愁湖

清袁枚

八二

響屨廊二首

清蔣士銓

八三

除夕泊衢州城外

清舒位

八四

范文正公蜀錦亭

清吳嵩梁

八四

釣臺

清樂鈞

八五

雄縣旅舍書懷

清屠倬

八五

登報恩寺浮圖

清陳文述

八六

半山亭

清陳文述

八六

晉平原內史陸機宅

清陳文述

八七

秦淮絕句

清秦大士

八七

過易水	清王邦畿	八八
宿黃鶴樓	清羅正明	八八
百尺樓	清宗元鼎	八九
橋陵	清許孫荃	八九
吳山	清石達開	九〇
金陵雜詩	清趙慶燾	九〇
詠史	清張裕釗	九一
由常山至開化折回江山凡山行四日得絕句	清江湜	九一
濟南雜詩三首	清張之洞	九二
金陵雜詩	清張之洞	九三
良鄉道中望大房山	清李慈銘	九四
由上海至蘇州	清易順鼎	九四
壬辰初春由滬至潯入廬山	清易順鼎	九五

嘉陵驛

清易順鼎

九五

自黃州至潤州江程覽古三首

清易順鼎

九六

自襄樊至西安道中

清易順鼎

九七

邠州

清譚嗣同

九八

鄧尉口號

清陳衍

九八

將至界首回望泰山

清陳衍

九九

登釣臺

清陳衍

九九

過平戶延平誕生處

清蘇曼殊

一〇〇

弔項王

清女梁德純

一〇〇

題芝龕記六首

清女秋瑾

一〇一

弔明故宮二首

民國周實

一〇四

弔蘇小小墓

民國鄭霽光

一〇五

雨裏過錢塘

民國劉大白

一〇五

早發白帝城

唐李白

朝辭白帝彩雲間，
千里江陵一日還，
兩岸猿聲啼不住，
輕舟已過萬重山。

巴陵贈賈舍人

唐李白

賈生西望憶京華，
湘浦南遷莫怨嗟！
聖主恩深漢文帝，
憐君不遣到長沙。

三峽水急，輕舟下流，其行如飛，經此地者，率信李白此詩寫實，入神入化。白帝城在四川奉節縣東白帝山。江陵今湖北江陵縣。

巴陵，今岳陽縣。賈生、賈誼，文帝以其喜事紛更，出爲長沙王太傅。左遷也。

聞王昌齡左遷龍標

唐李白

揚州花落子規啼，
聞道龍標過五溪。
我寄愁心與明月，
隨風直到夜郎西。
黃鶴樓送孟浩然之廣陵

龍標，今湖南黔陽縣。五溪，在辰州一帶。李白曾流夜郎，故同情特甚。夜郎，在今貴州桐梓縣，一說在湖南沅州。

唐李白

故人西辭黃鶴樓，
煙花三月下揚州。
孤帆遠影碧山盡，
惟見長江天際流。

黃鶴樓在湖北武昌縣西漢陽門內黃鶴山上。廣陵即揚州，今江蘇江都縣。

上皇西巡南京歌

唐李白

九天開出一成都，
萬戶千門入畫圖。
草樹雲山如錦繡，
秦川得及此間無。

二

誰道君王行路難？
六龍西幸萬人歡。
地轉錦江成渭水，
天迴玉壘作長安。

上皇指唐玄宗。天寶十五載以蜀郡爲南京。秦川指陝西長安舊京也。

六龍，天子車駕六馬。錦江，長江經成都縣南，蜀中名笮橋水。玉壘，山名，在四川理番縣。渭水，在陝西長安，卽唐京師所在。

三

華陽春樹號新豐，
行入新都若舊宮，
柳色未饒秦地綠，
花光不減上陽紅。

峨眉山月歌

峨眉山月半輪秋，
影入平羌江水流，
夜發清溪向三峽，
思君不見下渝州。

華陽即蜀都。禹貢華陽黑水曰梁州。新豐在陝西臨潼縣北，漢高祖築以娛太上皇者。上陽，宮名。此三詩，頌上皇西巡，蜀地即若秦也。

唐李白

峨嵋山在四川峨嵋縣西南。發脈岷山，起為大峨中峨、小峨、三秀峯。其中巖洞深邃，幽險無比。平羌江，即古沫水，亦名青衣水。源出四川蘆山縣西北，東南流入岷江。三峽即巫峽、西陵峽、瞿塘峽，在四川湖北間。渝州即今四川巴縣。

夔州歌

唐杜甫

蜀麻吳鹽自古通，
萬斛之舟行若風。
長年三老長歌裏，
白晝攤錢高浪中。

再過金陵

唐包佶

玉樹歌終王氣收，
雁行高送石城秋。
江山不管興亡事，
一任斜陽伴客愁。

夔州，今四川奉節縣。三老，指舵工。

玉樹，即陳後主所製之玉樹後庭花曲。

宿武關

唐顧況

遠別秦城萬里遊，

武關，在今陝西商縣，古稱商州。

亂山高下入商州。

關門不鎖寒溪水，

一夜潺湲送客愁。

涼州詞

唐耿湣

國使翩翩隨旆旌，

足，猶云多也。

隴西岐路足荒城。

氈裘牧馬胡雛小，

日暮蕃歌三兩聲。



洛中卽事

唐竇鞏

高梧葉盡鳥巢空，
洛水潺湲夕照中，
寂寂天橋車馬絕，
寒鴉飛入上陽宮。

所建者。
洛水，水名，在河南。上陽宮，在洛陽。唐高宗

石頭城

唐劉禹錫

山圍故國周遭在，
潮打空城寂寞回。
淮水東邊舊時月，
夜深還過女牆來。

周遭，四圍也。淮水，秦淮也。女牆，城上短垣。
隋平陳後，金陵蕩爲丘墟，六朝勝迹已空，故劉
詩感慨如是。

烏衣巷

朱雀橋邊野草花，
 烏衣巷口夕陽斜。
 舊時王謝堂前燕，
 飛入尋常百姓家。

臺城六代競豪華，
 結綺臨春事最奢。
 萬戶千門成野草，
 只緣一曲後庭花。

唐劉禹錫

朱雀橋、烏衣巷，俱南京城內地名。晉室南渡，王謝二族，皆為貴宦，子弟喜著黑衣，所居故名烏衣巷。

唐劉禹錫

臺城，六朝時梁陳宮城。故址在南京玄武湖側。與鷄鳴山相接。結綺、臨春，二樓名，係陳後主所建，以居張麗華、孔貴嬪二美人者。

讀句踐傳

丈夫可殺不可羞。
如何送我海西頭？
更生更聚終須報，
二十年間死即休。

劉郎浦

吳蜀成婚此水濤，
明珠步障幄黃金。
誰將一女輕天下？
欲換劉郎鼎峙心。

第四集 史地詩續

唐呂溫

越王句踐被敗於吳，退棲會稽山，生聚教訓，卒以沼吳。詩蓋謂丈夫原可殺而不可辱，乃竟斷送於海西；二十年間，（伍員有十年生聚，十年教訓，吳其為沼乎語，）死則已耳，不死則此仇終須報也，寫出越王怨恨之情，如聞其聲。

唐呂溫

劉郎浦在湖北石首縣西北，蜀漢劉備納吳孫夫人於此。吳蜀交攻，時勢使然，縱以女妻之，亦難移梟雄與漢之志。

昭君詞

漢使卻回憑寄語：
黃金何日贖蛾眉？
君王若問妾顏色，
莫道不如宮裏時！

題五松驛

雲木蒼蒼數萬株，
此中言命的應無，
人生不得如松樹，
卻遇秦封作大夫。

唐白居易

此詩由反面描出漢王重色心理，堂堂帝王，而不能庇一女子，國威安在。

唐李涉

秦始皇登泰山，避雨於松下，因封松爲大夫。

過廣陵

唐張祜

十里長街市井連，
月明橋上看神仙，
人生只合揚州死，
禪智山光好墓田。

憶揚州

唐徐凝

蕭娘臉下難藏淚，
桃葉眉頭易惹愁。
天下三分明月夜，
二分無賴是揚州。

之山。

禪智山，不可考，大概卽瘦西湖北岸一帶

之妾。

唐人以蕭娘爲女子之泛稱。桃葉，晉王獻

送咸安公主

鹵簿遲遲出國門，
 漢家公主嫁烏孫。
 玉顏便向穹廬去，
 衛霍空承明主恩！

詠和親

關月夜懸青塚鏡；
 塞雲秋薄漢宮羅。
 君王莫信和親策，
 生得胡雛虜更多。

唐孫叔向

鹵簿，指儀仗也。天子駕出，例有鹵簿三種。或謂司鹵水灑道之官也。烏孫，西域國名，漢代聯烏孫以拒匈奴。衛霍，指武帝時衛青霍去病二將，曾大破匈奴。

唐蘇郁

青。青塚，昭君之墓，相傳四圍草枯，而墓草獨青。

華清宮

唐杜牧

零葉翻紅萬樹霜，
玉蓮閑蕊暖泉香。
行雲不下朝元閣，
一曲淋鈴淚萬行。

唐明皇入蜀，夜聞雨聲，時方悼念貴妃，作
雨淋鈴曲以寄恨。朝元閣在驪山下。

寄揚州韓綽判官

唐杜牧

青山隱隱水迢迢，
秋盡江南草未凋。
二十四橋明月夜，
玉人何處教吹簫？

二十四橋在揚州，或謂卽吳家磚橋，一名
紅藥橋，古有二十四美人吹簫於此，故名。

蘭溪

唐杜牧

蘭溪春盡碧泱泱，
映水蘭花雨發香。
楚國大夫憔悴日，
應尋此路去瀟湘。

蘭溪在湖北蕪水縣東，出箬山，其側多蘭。
楚國大夫，指屈原，以原曾仕楚爲三閭大夫。

題桃花夫人廟

唐杜牧

細腰宮裏露桃新，
脈脈無言度幾春。
畢竟息亡緣底事？
可憐金谷墜樓人！

春秋時，楚破息侯，虜息嬀，隨楚王已生數子，終不與楚王一言。石崇作金谷園以居綠珠，崇被殺，綠珠墮樓而死。

泊秦淮

唐杜牧

煙籠寒水月籠紗，
夜泊秦淮近酒家。
商女不知亡國恨，
隔江猶唱後庭花。

題木蘭廟

唐杜牧

彎弓征戰作男兒，
夢裏曾經與畫眉。
幾度思歸還把酒，
拂雲堆上祝明妃。

後庭花，爲陳後主所製之曲。以媚張麗華者。原名玉樹後庭花，後分爲二曲，曰玉樹，曰後庭花。

雲祠。

拂雲堆在今綏遠烏喇特旗西北。又名拂

經秦皇墓

龍盤虎踞樹層層，
勢入浮雲亦是崩。
一種青山秋草裏，
行人惟看漢文陵。

隋宮

乘興南遊不戒嚴，
九重誰省諫書函？
春風舉國裁宮錦，
半作障泥半作帆。

唐許渾

始皇墓在陝西驪山。漢文帝葬霸陵，在陝西
西安西北。漢文帝以仁孝治天下，秦始皇以
威力得國。故行人每念漢文一種，猶云同樣。

唐李商隱

煬帝屢幸江都，作龍舟，共用挽士八萬餘
人，皆以錦綠爲袍，及後再如江都，羣臣諫者多
被殺，障泥，馬韁之兩旁下垂者，用蔽塵土。窮奢
極欲如此，宜其國破身亡。

瑤池

唐李商隱

瑤池阿母綺窗開，
黃竹歌聲動地哀。
八駿日行三萬里，
穆王何事不歸來？

賈生

唐李商隱

宣室求賢訪逐臣，
賈生才調更無倫。
可憐夜半虛前席，
不問蒼生問鬼神。

周穆王得八駿馬，西巡，而會西王母。近人考據西王母，係國名。漢族之母國也。黃竹歌，係王見凍人而作者。

漢書賈誼傳：「孝文帝方受釐宣（讀如暄）室，上因感鬼神事而問鬼神之本。」宣室未央宮前殿正室也。賈誼爲李斯再傳弟子，當有治國安民之學。惜文帝不能用，又爲大臣所忌，左遷長沙，憂憤而死。

岳陽樓

一八

唐李商隱

漢水方城帶百蠻，
四鄰誰道亂周班？
如何一夢高唐雨？
自此無心入武關！

南朝

唐李商隱

地險悠悠天險長，
金陵王氣應瑤光。
休誇此地分天下，
只得徐妃半面妝。

徐妃，南朝梁元帝妃，以帝眇一目，每帝至，必爲半面妝以俟，帝見則大怒以去。此以喻南朝苟安半壁也。

楚都以方城爲城，漢水爲池。統御蠻荆，稱王僭號。自襄王夢高唐神女之後，無心伐秦矣。

經蘇秦墓

唐賈島

沙埋古篆折碑文，
六國興亡事繫君。
今日淒涼無處說，
亂山秋盡有寒雲。

汴河懷古

唐皮日休

盡道隋亡爲此河，
至今千里賴通波。
若無水殿龍舟事，
共禹論功不較多。

蘇秦，戰國時人，說六國合縱以攢秦。曾佩六國相印。

汴河在河南，係隋煬帝所鑿。按煬帝大業元年開通濟渠自西苑引穀洛水達於河，復自板渚引河入汴，引汴入泗，以達於淮。

吳宮懷古

香徑長洲盡棘叢，
 奢雲豔雨祇悲風，
 吳王事事須亡國，
 未必西施勝六宮。

姑蘇臺

讓高泰伯開基日，
 賢見延陵復命時，
 未會子孫因底事，
 解崇臺榭爲西施。

唐陸龜蒙

吳宮花草，不乏美人，何必輕納越之所獻。
 況吳王南征北討，霸主雄風，焉有不識越之君
 臣，非久居人下者。陸詩責備得體，長洲卽江蘇
 吳縣。

唐羅隱

吳先世泰伯讓位於季弟，史稱讓王。吳公
 子季札歷聘各國，孔子美之。至吳王夫差乃竟
 以西施而亡國，其有媿先世多矣。未會猶言不
 曉。

始皇陵

唐羅隱

荒堆無草樹無枝，
嬾向行人問昔時。
六國英雄漫多事，
到頭徐福是男兒。

姑蘇臺

唐胡曾

吳王恃霸逞雄才，
貪向姑蘇醉綠醅。
不覺錢塘江上月，
一宵西送越兵來。

徐福即徐市。始皇時上書言海中有三神山，仙人居之，請得童男女往求。始皇乃發童男女數千人使入海求仙人，遂不返。

吳王夫差敗越後，妄自尊大，越王則臥薪嘗膽，後竟一舉沼吳。

孟津

唐胡曾

秋風颯颯孟津頭，
立馬沙邊看水流。
見說武王東渡日，
戎衣曾此叱陽侯。

周武王十有三年大會諸侯於孟津，誓師伐商。陽侯，水神名，能作大波。孟津在河南孟縣南十八里，亦曰盟津。

易水

唐胡曾

一旦秦皇馬角生，
燕丹歸北送荆卿。
行人欲識無窮恨，
聽取東流易水聲。

易水在河北易縣西。燕太子丹留質於秦，謂烏頭白，馬生角，乃得歸。及後乘間逃歸，即募荆軻入秦，獻督亢地圖，圖藏匕首，行刺秦王。太子於易水上擊筑歌送之。

長城

唐胡曾

祖舜宗堯自太平，
秦皇何事苦蒼生。
不知禍起蕭牆內，
虛築防胡萬里城。

居延

唐胡曾

漠漠平沙際碧天，
問人云此是居延。
停驂一顧猶魂斷，
蘇武爭禁十九年。

秦始皇三十三年蒙恬收河南地，因築長城，起臨洮，至遼東，延袤萬餘里。

居延，漢爲都尉，在今寧夏額濟納旗，近設居延設治局。漢蘇武字子卿，出使匈奴，爲單于所留，至十九年始放還。

南陽

唐胡曾

世亂英雄百戰餘，
孔明方此樂耕鋤。
蜀王不自垂三顧，
爭得先生出舊廬。

南陽，郡名，爲河南南陽府及湖北 襄陽府之地。諸葛亮時居南陽隆中（山名，在今湖北襄陽縣西）躬耕自樂。蜀先主 劉備聞其名，三顧其廬，始出輔成鼎足之業。

赤壁

唐胡曾

烈火西焚魏帝旗，
周郎開國虎爭時。
交兵不假揮長劍，
已挫英雄百萬師。

赤壁在湖北嘉魚縣東北江濱。周瑜用火攻破曹操兵於此。

玉門關

唐胡曾

西戎不敢過天山，
定遠功成白馬閑。
半夜帳中停燭坐，
唯思生入玉門關。

西戎指漢時西域諸國。天山，今新疆省天山山脈。漢班超，用兵西域，封定遠侯。在西域三十一年，年老乞歸，謂「臣不敢望到酒泉，但願生入玉門關。」玉門關在今甘肅敦煌縣西一百五十里陽關之西北，爲古時通西域要道。

銅柱

唐胡曾

一柱高標險塞垣，
南蠻不敢犯中原。
功成自合分茅土，
何事翻銜薏苡冤。

東漢馬援，光武時南征交趾，平之，立銅柱以表功，封新息侯。還軍時，載薏苡（其仁白可食）於後車，譖者以爲所載皆明珠。帝怒欲加罪，朱勃爲上書訟冤。

峴山

唐胡曾

曉日登臨感晉臣，

古碑零落峴山春。

松間殘露頻頻滴，

猶似當時墜淚人。

東晉

唐胡曾

石頭城下浪崔嵬，

風起聲疑出地雷。

何事苻堅太相小，

欲投鞭策過江來。

參見第三集司空曙登峴亭詩。

晉孝武帝太元七年秦王苻堅會羣臣於

太極殿，欲議侵晉，羣臣以爲長江天塹，未可飛

渡，堅曰：「以吾之衆，投鞭於江，足斷其流。」卒

於翌年大舉入寇，爲晉謝石、謝玄大敗於淝水。

石頭城卽今南京，東晉時爲建康。

八公山

唐胡曾

苻堅舉國出西秦，東晉危如累卵晨。誰料此山諸草木，盡能排難化爲人。

八公山在今安徽鳳臺縣南，淝水之北，苻堅南侵，謝石禦之於淝水。苻堅望見晉兵部陣嚴整，又望見八公山上草木，皆以爲晉兵。

焚書坑

唐章碣

竹帛煙銷帝業虛，關河空鎖祖龍居。坑灰未冷山東亂，劉項元來不讀書。

祖龍，指秦始皇。劉項，指劉邦、項羽。

仲山

唐 唐彥謙

千載遺蹤寄薜蘿，
沛中鄉里漢山河。
長陵亦是閒丘壠，
異日誰知與仲多？

仲山在陝西涇陽縣西北，傳為高祖兄仲所居。沛今江蘇沛縣。高祖平天下，以沛為湯沐邑。長陵，高祖葬地，在今陝西咸陽縣南。高祖為季子，稱帝後，還鄉謂父曰：「季所得孰與仲多？」仲指其兄，因高祖少不事生產，為家人所輕。

馬嵬

唐 徐夔

二百年來事遠聞，
從龍誰解盡如雲。
張均兄弟皆何在？
卻是楊妃死報君。

從龍，指扈駕之臣。張均，天寶時刑部尚書，受安祿山僞命，為中書舍人。楊妃以死解馬嵬兵變，未始非烈者。

西施

唐崔道融

苧蘿山下如花女，
占得姑蘇臺上春。
一笑不能忘敵國，
五湖何處有功臣？

桐廬白雲村

宋范仲淹

風雅先生舊隱存，
嚴陵臺下白雲村。
唐朝三百年冠蓋，
誰聚詩書到子孫？

西施爲越王句踐獻於吳王者，卒至亡吳。
詩美西施，爲越之功臣，若泛五湖之范蠡，其功
不若西施也。苧蘿村，在浙江諸暨縣。五湖，卽太
湖。

原註，白雲村，爲方干故居，尙有方氏子孫，
且有讀書之士。按方干性狂，不得志，死後贈進
士及第。嚴陵臺，卽漢嚴光釣臺。冠蓋，指仕宦人
家。

宰嚭

謀臣本自繫安危，
賤妾何能作禍胎。
但願君王誅宰嚭，
不愁宮裏有西施。

召平

天下紛紛未一家，
販繒屠狗尙雄夸。
東陵豈是無能者，
獨傍青門手種瓜。

宋王安石

宰嚭，吳王夫差寵臣。越進西施，先賄宰嚭而後進。

宋王安石

召平，秦廣陵人，封東陵侯。秦亡後，種瓜長安城東，瓜有五色甚美，世稱東陵瓜，又云青門瓜。潁陰侯灌嬰，微時爲睢陽販繒者。舞陽侯樊噲，微時以屠狗爲事。

讀開元天寶遺事

宋蘇軾

姚宋亡來事事興，
一官銖重萬人輕。
朔方老將風流在，
不取西番石堡城。

二

琵琶絃急滾梁州，
羯鼓聲高舞臂鞦。
破費八姨三百萬，
大唐天子要纏頭。

姚崇、宋璟爲開元時賢相。王忠嗣策石堡之得，不當所亡。按石堡城在青海東境，爲唐時邊備要害。

明皇自擊羯鼓，謂八姨曰：不見一纏頭。八姨獻三百萬，爲大唐天子纏頭。八姨指秦國夫人纏頭，唐時賓客宴集，以賞歌舞人者。

題西林壁

橫看成嶺側成峯。
遠近高低各不同，
不識廬山真面目，
只緣身在此山中。

范增

君王不解據南陽，
亞父徒誇計策長。
畢竟亡秦安用楚，
區區猶勸立懷王。

宋蘇軾

西林，廬山中寺名。

宋張文潛

南陽秦郡名，治宛縣。亞父，項羽對范增之尊稱。亞父曾勸項羽立楚懷王以號召諸侯。時有「楚雖三戶，亡秦必楚」謠。

五國城題壁

宋徽宗

徹夜西風撼破扉，
蕭條客館一燈微。
家山回首三千里，
目斷天南無雁飛。

越州歌

宋汪元量

淮南四畔草離離，
萬檝千艘水上飛。
旗幟蔽江金鼓震，
伯顏丞相過江時。

五國城，在吉林依蘭縣治近旁。一說在吉

林延吉縣。

二

魯港當年傀儡場，
六軍盡笑賈平章。
三聲鑼響三更後，
不見人呼大魏王。

蜀道

蜀道難行高接天，
秦關勒馬望西川。
峨眉翠嶺知何處？
劍閣崔嵬若箇邊？

魯港一名魯江，在安徽蕪湖縣西，入江。宋德祐元年元兵克池州，賈似道率師次魯港，爲元兵所敗。

宋汪元量

馳兵新淦題伏魔寺壁

宋岳飛

膽氣堂堂貫斗牛，
誓將貞節報君仇。
斬除元惡還車駕，
不問登壇萬戶侯。

雜感

宋陸游

志士山棲恨不深，
人知已是負初心。
不須先說嚴光輩，
直自巢由錯到今。

聖也。

新淦即今江西新淦縣。還車駕，即迎還二

嚴光，東漢光武故人，字子陵，當暑披羊裘，
釣於富春江，今有嚴陵釣臺在。巢父，許由，堯時
隱士。堯以天下讓，不受。

追感往事

諸公可歎善謀身，
誤國當時豈一秦？
不望夷吾出江左，
新亭對泣亦無人。

霅溪

道場山背是吳興，
只不教人到德清。
霅水相留無別計，
卻將溪曲暗添程。

宋陸游

秦指秦檜，晉王導，溫嶠稱爲之江左夷吾。
夷吾爲佐齊桓公匡天下之管仲字。互見四〇
頁曾景建詩註。

宋楊萬里

霅溪在浙江吳興縣南。道場山在吳興縣
西南，舊名雲峯。德清，浙江縣名，在吳興之南。

仲舉高談亦壯哉，
白頭狼狽只堪哀。
枉教一室塵如積，
天下何曾掃得來。

三月晦日遊越王臺

宋楊萬里

榕樹梢頭訪古臺，
下看碧海一瓊杯。
越王歌舞春風處，
今日春風獨自來。

陳蕃字仲舉，後漢平輿人，年十五，嘗閑處一室，庭宇蕪穢，父友薛勤謂之曰：「孺子何不洒掃以待賓客？」蕃曰：「大丈夫當掃除天下，安事一室！」

越王臺在廣東廣州北越秀山上，漢南越王趙佗，因山築臺，故名。

愚溪

宋 劉克莊

青雲失脚謫零陵，
十載溪邊意未平。
溪不預人家國事，
可能一例受愚名？

愚溪，在湖南零陵縣西南，其水澈底皆石，
本名冉溪，亦名染溪。唐柳宗元謫零陵時，改名
愚溪，有愚溪詩序。

同安

宋 劉克莊

城不能高甫及肩，
臨風搔首一懷賢。
當時矮屋今存否，
曾着文公住四年。

同安，今福建同安縣，朱熹文公於紹熙間
曾爲同安主簿。

洛陽橋

宋 劉克莊

周時宮室漢時城，
廢址遺基劃已平。
乍見橋名驚老眼，
南州安得有西京。

釣臺

宋 戴復古

萬事無心一釣竿，
三公不換此江山。
平生誤識劉文叔，
惹起虛名滿世間。

劉文叔，漢光武帝秀字。嚴光字子陵，爲光武故人，隱於富春江，屢徵不起。

金陵懷古

宋曾景建

青山四合遶天津，
 風景依然似洛濱。
 江左如今成樂土，
 新亭垂淚亦無人。

三高祠

宋劉寅

人謂吳癡信不虛，
 建崇越相果何如？
 千年亡國無窮恨，
 只合江邊祀子胥。

晉室南渡，建都金陵。公卿暇日，常至新亭宴會。周顛曰：「風景不殊，舉目有山河之異。」王導曰：「當戮力神州，共獎王室，何至作楚囚對泣？」天津，即天子都城之津渡也。

三高祠，在江蘇松江縣。祀范蠡、張翰、陸龜蒙三人。范爲越臣，曾爲越王破吳。子胥，即伍員。曾屢諫吳王被殺。

羞塚

宋周 卯

當年一棄會稽侯，
野墓煙蕪鎖別愁，
惆悵不逢郎衣錦，
至今粉骨尙含羞。

楊妃

宋眞山民

三郎掩面馬嵬坡，
生死恩深可奈何？
瘞土驛旁何足恨？
潼關戰處骨埋多。

羞塚，漢朱買臣妻之墓。初嫌朱貧，因請離異。後朱封會稽侯，妻乃羞慚自經死。塚在會稽。

意言安史之變，死於兵燹者，何止千萬。世人獨惜楊妃，未免輕重倒置。

竹枝詞

灩澦堆頭君莫行，
瞿塘峽裏不論程。
龍吟小雨蜀天黑，
等有明朝春水生。

二

黃陵廟前鴉鵲栖，
黃陵宮外梟鵬啼。
估客酌神巫嫗醉，
青林日轉風淒淒。

中石礁。

灩澦堆在四川奉節縣瞿塘峽口，係長江

黃陵廟在湖北宜昌縣西黃牛峽。

宋孫嵩

漢武帝

殿號長生花寂寂，
臺名思子草茫茫。
尙無人世團圓樂，
枉認蓬萊是帝鄉。

秦望山

鑄石奇功席卷來，
眼中滄海一瓊杯。
神山只在靈鼇背，
徐福樓船不見回。

宋葉紹翁

漢武帝征和二年，皇太子據以巫蠱事變，
自經死。翌年帝憐太子無辜，乃作思子宮，爲歸
來望思之臺。按臺在河南閩鄉縣西北。武帝信
神仙之說，嘗遣方士入海求仙。蓬萊，仙人所居
之地。

宋林景熙

秦望山在會稽嵎縣；秦始皇登山望海處，
故名。始皇使徐福發童男女各五百人，載樓船
入海不還。

隴山鸚鵡

隴口山深草似荒，
行人到此斷肝腸。
耳邊不忍聽鸚鵡，
猶在枝頭說上皇。

初登潞州

潞州久住似并州，
身去心留不自由。
白塔亭亭三十里，
漳河東畔幾回頭。

宋失名

堅瓠集宋高宗養一鸚鵡，送還隴山。後有宋使臣過，鸚鵡問上皇安否？對曰已崩。遂悲鳴不已。烏尚知念上皇，而高宗不念徽欽二帝，惜哉。

金元好問

潞州即今山西長治縣。并州即今山西陽曲縣。漳河源出山西平定縣東南沾嶺，流經長治縣者為上源濁漳水。

黃華峪

金元好問

岱崧王屋舊經過，
自倚胸中勝概多。
獨欠太行高絕處，
青天白日看山河。

西湖

故都日日望迴鑾，
錦繡湖山醉裏看。
戀着銷金鍋子煖，
龍沙忘了兩宮寒。

黃華峪疑係太行山之支阜，在山西山陰縣北，即古黃華山。岱崧即泰山，在山東。王屋山名，在山西陽城縣西南。山有三重，其狀如屋，故名。太行山連互於山西、河北之間，其主峯在山西晉城縣南。

元宋无

宋南渡，建都杭州。遠在龍沙之徽欽二帝，宜乎忘了銷金鍋，指西湖。龍沙本指沙漠，詩家多泛用爲塞外之稱。

羞塚

青 草 塘 邊 土 一 坵，
千 年 埋 骨 不 埋 羞。
丁 寧 囑 咐 人 間 婦，
自 結 糟 糠 合 到 頭。

過閩關

建 溪 激 箭 向 南 流，
石 齒 如 鋒 鬪 客 舟。
篙 子 踏 歌 渾 不 畏，
行 人 遙 望 替 生 愁。

明方孝孺

明劉基

閩關疑或指浙閩交界之關隘。建溪，福建閩江之北源也。源出浙江慶元縣光石山。南流經建陽縣，爲建陽溪，亦名建溪。更南流合沙溪，入閩江。

猿臂將軍本自賢，
灞陵醉尉竟難全。
不聞當日王孫貴，
重到淮陰賞少年。

二（孔明）

莫恨流星墮渭濱，
出師未捷已沾巾。
天應留取生司馬，
歸作他年取魏人。

李廣漢隴西成化人，爲人長，猿臂，善射。以擊匈奴功爲驃騎將軍。後落職，嘗夜從一騎出，從人田間飲，還至霸陵亭，霸陵尉醉，呵止廣，廣騎曰：「故李將軍。」對曰：「今將軍尚不得夜行，乃何故也。」韓信貴後，重賞淮陰少年。

諸葛亮奉昭烈遺命，北伐中原。後主建興六年，亮進軍渭南，屯五丈原，卒於軍。杜甫弔孔明詩有「出師未捷身先死，長使英雄淚滿巾」語。亮卒後，祕不發喪，司馬懿不敢信，時諺曰：「死諸葛走生仲達。」後懿子昭，篡魏爲晉。

范蠡詠三高祠之一

功成不戀上將軍，
一舸歸遊笠澤雲。
載去西施豈無意，
恐留傾國更迷君。

望武昌

吹面風來杜若香，
離煙柳拂鷗長。
人家鸚鵡洲邊住，
一向開門對漢陽。

明高啓

越既沼吳，范蠡知句踐可與同患，難與處
安，遂乘輕舟浮於五湖，莫知所終。笠澤，太湖別
名。

明楊基

鸚鵡州在漢陽縣西南長江中。

春風吹雨溼衣裾，
 綠水紅粧畫不如。
 卻是漢陽川上女，
 過江來買武昌魚。

江上

明汪廣洋

小姑南岸對彭郎，
 大劈雲厓峙兩傍。
 日暮驚濤沒沙尾，
 江流較比去年強。

參見第三集彭玉麟詩。

二

順風全不廢
簞牽，把拖沿江穩
放船。指點大龍山
色近，皖城只在水
雲邊。

入峽二首

黃牛廟下水如弦，
白狗峽中數尺天。
百丈牽春上巴蜀，
巖花無數照江船。

皖城今安徽潛山縣。

明詹同

黃牛廟在四川長江黃牛峽旁，內祀佐禹
治水之神。白狗峽，係長江中一峽。

歸州女兒採薪歸，
荷葉遮頭雨溼衣。
不怕山邊石路滑，
竹籃在背走如飛。

子游墓

有樹枯來不記春，
卻依虞仲塚爲隣。
山家相約休樵採，
十哲人中第九人。

歸州，今四川秭歸縣。

明王賓

言假字子游，孔子弟子。墓在海隅山上，
記吳世家注：「仲雍塚並列。」虞仲卽仲雍，周
太王次子。避弟讓位適荊蠻。十哲，均配享孔子，
卽子張、閔子騫、冉伯牛、仲弓、宰我、子貢、冉有、季
路、子游、子夏。

過清流關

清
流
染
血
滑
如
苔，
一
戰
平
邊
宋
祚
開。
關
門
今
日
無
人
守，
驢
背
詩
人
雪
裏
來。

長沙懷古

孤
城
獨
上
思
徘徊，
何
事
人
間
苦
棄
材。
寂
寞
湘
南
煙
雨
裏，
賈
生
還
弔
屈
生
來。

明殷奎

清流關在安徽滁州西北清流山上。宋趙匡胤破南唐兵十五萬於此。

明王侁

重登岳陽樓望君山

明王 侑

南湖煙水接天流，
天際青螺掌上浮。
欲弔湘君何處是？
不堪重倚岳陽樓。

雨中過洞庭

明王 侑

昨夜南風起洞庭，
曉來湖上雨冥冥。
忽看天際驚濤白，
失卻君山一點青。

湘君，湘水之神，按卽舜正妃娥皇。

廣陵

明夏鍬

九曲池亭龍氣消，
 誰家水調共蘭橈。
 眼前亡國無多恨，
 江水東邊是六朝。

廣陵卽今江蘇江都縣。水調，歌名，隋煬帝開汴河自造水調，聲甚怨切。

潼關

明王廷相

天設潼關金陡城，
 中條華嶽拱西京。
 何時帝劈蒼龍峽，
 放與黃河一線行。

潼關，見第三集譚嗣同詩。中條山在山西永濟縣東南，西起雷首，東接太行。華嶽卽華山，西京卽西原。蒼龍峽，卽蒼龍山，在陝西華陰縣華山北峯，其中實旁削，兩旁直立，深不見底。

貴州雜咏

明楊慎

綺繪纏髻作雕題，
鐵距穿鞋學馬蹄。
清曉樵斤探虎穴，
黃昏汲甕下猿梯。

題、額也，雕題謂刻肌涅以丹青。

過邯鄲縣

明尹耕

秦兵百萬氣連雲，
屋瓦邯鄲震欲焚。
千載尙留城市在，
土人爭說信陵君。

邯鄲縣卽今河南邯鄲縣。戰國時趙都，魏公子無忌號信陵君，奪晉鄙軍救趙。進兵擊秦軍，邯鄲圍遂解。

巫夔道中雜歌

狂雲也自學朝朝，
老雪判春未肯銷。
鷹嘴啄成三角路，
虎牙銜出半邊橋。

二

未曾五里已三溪，
幾許寒厓挂斷霓。
亂石累成春雪碓，
斷橋橫作上天梯。

三

星星冷炬拂雲堆，
夜踏偏橋半欲摧。
人隊似猿穿嶺去，
犬聲如豹透林來。

四

懸梯東折復西還，
雙磴斜開碧玉關。
不雨不晴天着睡，
冷雲橫出夢中山。

西陵

指點山陵問宋朝，
荒雲漠漠蒺藜蕭蕭。
行人但說錢王事，
強弩三千射海潮。

陳宮懷古

景陽宮井積浮埃，
三閣遺基半綠苔。
惆悵後庭花落盡，
黑頭江令獨歸來。

明錢希言

西陵即浙江蕭山縣西興鎮，瀕錢塘江。錢
王即吳越王錢鏐，曾以強弩三千射錢塘江潮
使回。

明沈愚

陳宮，即景陽宮，在南京臺城。胭脂井在其
下。三閣，指臨春、結綺、景陽。江令，即江總，後又仕
隋。後庭，陳後主有後庭花曲，此詩後庭花乃雙
關語。

丹穴傳家世莫爭，
用財爲衛守能貞。
祖龍勢力傾天下，
猶築高臺禮婦清。

秦寡婦良玉

明 張寧

卸卻金釵佩虎符，
提兵十萬上皇都。
西南夷婦援東土，
愧煞中原無丈夫。

良玉，四川土司馬千乘之妻。率師赴遼東，
後功至將軍，封秦國夫人。與沈雲英女將軍相
友善。

丹穴，金砂礦也。祖龍，指秦始皇，婦清，巴寡
婦清，秦時巴人中有巴清婦人，擁丹穴之富，秦
皇爲築懷清臺以禮之。臺在今四川長壽縣西。

古北口

明顧炎武

霧靈山上雜花生，
山下流泉入塞聲。
卻恨不逢張少保，
積南猶築受降城。

上都

明范玉壺

上都五月雪飛花，
頃刻銀妝十萬家。
說與江南人不信，
只穿皮襖不穿紗。

上都，卽和林。元京都也。

古北口在今熱河，霧靈山在熱河隆化縣西，一名萬花臺。張臣子承蔭，爲遼東總兵官，擊蟒金諸部出塞，卒後贈少保。唐張仁愿於河北築三受降城。按正德中，撫臣王大用議據霧靈以守，並築城扼險，如唐宋受降大順故事，不果。

方正學祠

明孫承宗

公侯衰衰上金門，
獨着麻衣向至尊。
十族有魂招不得，
頭顱差可見文孫。
二
一片枯腸萬刃鋒，
書生猶說未從容。
天書草罷樓璉死，
多少冠裳拜九重。

金川門，南京城門也。方孝孺以不肯草詔，
誅十族，墓祠在南京雨花臺。文孫，指建文帝。

方孝孺死，成祖命樓璉草詔書，樓知不可
抗。草罷歸而自殺。九重，天子階有九級，故曰九
重。

蜀岡懷古

一路飛橋壓水低，
 芙蓉多與酒船齊。
 依依最是三春柳，
 繫得君王不復西。
 二
 春雲黯黯美人斜，
 秋草萋萋帝子家。
 一代紅顏在何處？
 可憐都作廣陵花。

明屈大均

蜀岡，山名，在江蘇江都縣北四里。此詩詠
 隋煬帝東幸，流連揚州，作迷樓，建離宮，開汴河，
 聲色自娛，以至亡國。

美人斜，為葬美人之處。斜者坡也。唐有宮
 人斜，為葬宮人之墓地。劉威有宮人斜詩，「雲
 慘煙愁苑路斜，路旁丘塚盡宮娃。」揚州府志，
 廣陵戲馬臺下路，名玉鉤斜。稱斜者以其有坡
 也。

臺城春望

明 屈大均

飛騎如雲塞北回，
六朝春色雪中開。
行人莫折臺城柳，
曾沐先皇雨露來。

詠史

明 熊廷弼

拍案疾聲呼賊檜，
分明非與岳家仇。
東窗計定金牌去，
斷送南朝二百秋！

翁山詩，富有忠臣義士之精神，不忘家國之恨。即所謂民族文學。臺城，在南京城內。

宋秦檜主與金和議，相傳偕妻王氏，東窗圍爐。密議殺岳飛，遲疑不決。王氏以箸畫灰成字，曰：縛虎容易放虎難。檜乃書小紙付獄吏，忽報飛死。其中陰謀可知。

經漢光武白水村

明曾 碗

莽莽春陵起大風，
漢家鼙鼓萬山紅。
堪從洛北收朱鮪，
再向河西服竇融。

卅年憔悴落蠻鄉，
故國山河感慨長，
留得數莖華髮在，
九原歸去見高皇。

謁明寧靖王墓

明陳肇興

白水村在今湖北棗陽縣南三十里。東漢光武帝起兵春陵，掃除羣雄，中興漢室。朱洧、竇融係西漢末起兵自立者。

明末，寧靖王朱術桂，派赴臺灣，監鄭成功軍。三世留臺，鄭氏亡，全家自殺。今存五妃墓。高皇，指明太祖。

題賈似道湖山圖

明女陳玉

山上樓臺湖上船，
平章醉後懶朝天。
羽書莫報樊城急，
新得蛾眉正少年。

虞姬

明女朱靜庵

力盡重瞳霸氣消，
楚歌聲裏恨迢迢。
貞魂化作原頭草，
不逐東風入漢郊。

賈似道，宋之宰相，同平章事，故稱平章。賈似道，上疏棄襄陽以北各地。樊城，地名，在湖北。

赤壁

扁舟絕壁酹西風，
千古雌雄在眼中。
欲得周郎重回顧，
銅絃鐵板唱江東。

送劉編修鴻訓頒詔朝鮮

復國威靈薄海濱，
龍衣虎節照青春。
東藩遺老爭垂淚，
又見神宗舊使臣。

明僧正崧

周瑜精音律，時人語曰：「曲有誤，周郎顧。」
蘇軾有赤壁懷古詞，首句爲「大江東去。」
東坡問歌者，吾詞比柳耆卿何如？歌者曰：「學
士詞須關西大漢，抱銅琵琶，執鐵綽板，唱「大
江東去。」」

清錢謙益

箕子墓對檀君祠，
墓前山色滿城陴。
知君繫馬無窮思，
正是春風麥秀時。

虞兮

千夫辟易楚重瞳，
仁謹居然百戰中。
博得美人肯死，
項王此處是英雄。

箕子商紂諸父，名胥餘。紂無道，箕子諫不聽，佯狂爲奴。周武王克商，封於朝鮮。後過商墟，作麥秀之詩。墓在朝鮮平壤。檀君朝鮮始祖，名桓雄，傳爲天神桓因子，降於太白山檀木下，故曰檀君。唐堯二十五年立，都平壤，國號朝鮮。

清吳偉業

豫讓橋

清計東

秋盡蓬山慘不驕，
流泉夾岸夕陽遙。
傷心國士酬恩地，
瘦馬單衫豫讓橋。

驪山懷古

清王士禛

空城幾曲水潺潺，
松柏淒涼滿舊山。
輦道無人秋草合，
年年嗚咽到人間。

豫讓橋，在山西太原縣，原名赤橋。豫讓爲智伯報仇，謀刺趙無卹於橋上，無卹馬驚，遂在橋下搜獲豫讓。「智伯以國士待我，我故以國士報之。」豫讓語也。

驪山，在陝西西安。上有華清宮，唐玄宗楊貴妃曾宴遊於此。

張麗華祠

清王士禛

璧月依然瓊樹枯，
玉容猶似憶黃奴。
過江青蓋無消息，
寂寞青溪伴小姑。

二

臨春結綺已消沈，
遺廟荒涼碧蘚侵，
惟有青溪鳴咽水，
千年猶似怨韓擒。

張麗華，陳後主寵妃。黃奴，陳後主小字。秦
淮畔，昔有青溪小姑祠。祀漢蔣子文之妹。

臨春結綺，俱爲陳後主所建之閣。韓擒，卽
韓擒虎。

楚懷王墓

當年遺恨割商於，
 故國秋風總廢墟。
 望裏丹陽杯土在，
 寒潮猶似哭三閩。

詠史

儒冠儒服委邱墟，
 文采風流化土苴。
 尚有陸生坑不盡，
 留他馬上說詩書。

清王士禛

商於在今河南浙川縣西，戰國秦地，張儀會誑楚懷王，謂秦願割商於之地六百里，以易和氏璧。丹陽楚地，當在今湖北秭歸縣東。三閩指屈原，原曾爲三閩大夫。

清陸次雲

漢陸賈使南越反，時向高祖說稱詩書，高祖罵之曰：「乃公居馬上得之，安事詩書？」陸生曰：「居馬上得之，寧可以馬上治之乎？」此詩詠秦皇坑儒，未必儒能坑盡，暗指清代屢興文獄，將亦無濟於事，陸生者，乃次雲自況也。

嶺南竹枝詞

清彭孫適

妾家溪口小迴塘，
茅屋藤扉蝟粉牆，
記取榕陰最深處，
閒來時過喫檳榔。

嶺南，指廣東一帶，言在五嶺以南。蝟粉牆，嵌蝟殼之牆也。

十八灘

清徐鉉

萬壑千峯送客舟，
槎牙怪石水流，
嶺猿莫更啼深樹，
只聽灘聲已白頭。

猿聲淒哀，而灘聲則能危人生命，故聽之更哀，十八灘，在江西贛縣，惶恐灘卽係十八灘之一。

桃花扇詞

紛紛將士願移家，
細柳營中起暮笳，
千古英雄須打算，
樓船東下一生差。

湖上竹枝詞

白頭漁父見承平，
吹笛孤山舴艋輕。
見說天家錢又趙，
惱人湖水不分明。

清孔尚任

此詩詠左良玉移師東下，行至九江，其子夢庚反，良玉憤死。漢周亞父軍於細柳營，規甚整，

清嚴繩孫

湖上，西湖也。孤山，在西湖濱。錢，指錢鏐，趙，指南宋均都杭州，天家，俗語稱天子之家。

越江詞

清朱彝尊

山圍江郭水平沙，
過雨輕舟泛若耶。
一自西施采蓮後，
越中生女盡如花。

嶺外歸舟雜詩

清朱彝尊

蠻江豆蔻一叢叢，
牡蠣牆圍半畝宮。
貪看河頭采珠女，
輕帆不趁酒旗風。

紗處。

越江即浙江。若耶，溪名，在紹興，即西施浣

揚州懷古

清汪琬

水調歌殘翠黛消，
幾枝煙柳曳寒潮。
隋家何限傷心事，
第一休過廿四橋。

題息夫人廟

清鄧漢儀

楚宮慵掃黛眉新，
只自無言對暮春，
千古艱難惟一死，
傷心豈獨息夫人？

此詩似爲吳梅村錢牧齋而發。

吳中雜詠

清梁佩蘭

如此江山足霸圖，
夫差何事竟亡吳，
太湖三萬六千頃，
輸與謀臣范大夫。

二

白紵冰衫試舞新，
吳宮猶憶苧蘿春，
從今莫拜要離塚，
當日功臣屬美人。

吳宮故址，在江蘇吳縣靈巖山。苧蘿，村名，在浙江諸暨縣。西施生於此。要離，古之壯士，曾刺吳公子慶忌。墓在吳縣閶門秦伯廟南。

李白填詞

花前承旨筆如飛，
三闋新詞萬古稀。
被酒不忘規諷意，
故將燕瘦比環肥。

西湖雜書

珍重遊人入畫圖，
亭臺繡錯似茵鋪。
宋家萬里中原土，
換得錢塘十頃湖。

清沈樹本

玄宗與楊貴妃賞牡丹於沈香亭，李白承旨進清平調三篇。燕瘦，李白詞，「有可憐飛燕倚新妝」句，環肥，楊妃小字玉環，體肥，故云。

清黃任

錢塘湖景，至恭帝之時，捨而北去，無限江山，別時容易見時難矣。欲求偏安，已不可得。

彭城道中

天子依然歸故鄉，
大風歌罷轉蒼涼，
當時何不憐功狗？
留取韓彭守四方。

蕪城感舊

三千殿腳總如花，
斷粉零香散暮霞，
惟有離宮舊明月，
夜深還上玉鉤斜。

清黃任

漢高祖還沛，歌大風辭，以娛父老。功狗，漢高祖分臣下爲功人功狗兩種，見史記。韓彭，韓信、彭越，皆被誅，彭城，卽江蘇徐州。

清許廷鑠

蕪城，卽揚州。煬帝造大船，泛江沿淮，取吳越間女子五百人，號殿腳女，使與嫩羊相間而牽船。離宮，隋煬帝東幸廣陵，建離宮。玉鉤斜，揚州府志云，廣陵亦有戲馬臺，其下路號玉鉤斜。陳無已詩話，亦云廣陵有玉鉤斜，路名。

吳宮詞

屨廊移得苧蘿春，
沈醉君王夜宴頻。
臺畔臥薪臺上舞，
可憐同是不眠人！

題李後主百尺樓

六道戈船出上游，
香孩兒太不風流。
關心臥榻鼾聲地，
轉忘燕雲十六州。

清寵鳴

一樣不眠，事關興亡，道人所未道，千秋不
朽之名句也。屨廊，即吳宮之響屨廊。

清袁枚

趙匡胤生時異香滿室，故名香孩兒。石敬瑭割燕雲十六州與契丹，終宋之世，未曾收復，
何汲汲統一南唐乎。按開寶八年，曹彬大敗江
南兵於秦淮，後主李煜遣使乞援，太祖按劍怒
曰：「天下一家，臥榻之側，豈容他人鼾睡！」

西施

吳王亡國爲傾城，
越女如花受重名。
妾自承恩人報怨，
捧心常覺不分明。

張麗華

景陽門外一聲鐘，
喚起宮娥夢正濃。
底事軍中書告急？
亂堆床下不開封。

清袁枚

爲西施開脫不少罪名，別出心裁之作也。
西施，生於浙江諸暨縣之苧蘿村，故云越女。傾
城，指女色之美者，捧心，西施有心病，常捧心顰
眉，愈形其美。

清袁枚

張麗華，陳後主之妃。景陽，宮名，故址在今
南京臺城。

二

結綺樓邊花怨春，
 青溪柵上月傷神，
 可憐褒姒逢君子，
 都是周南傳裏人。

玉環

到底君王負舊盟，
 江山情重美人輕，
 玉環領略夫妻味，
 從此人間不再生。

結綺，閣名，陳後主所建。青溪，水名，在南京城內。昔有張麗華祠。褒姒，幽王之后褒姒，商紂之后妲己。周南，詩經篇名，內多詠后妃之德。

清袁枚

負舊盟，指玄宗於七月七日感牛女事，在長生殿與貴妃密誓，願世世為夫婦事。

再題馬嵬驛

清袁枚

萬歲傳呼蜀道東，
鬻拳兵諫太匆匆。
將軍手把黃金鉞，
不管三軍管六宮。

二

香囊消息玉魚涼，
萬里園陵白露荒。
聽說西宮恩幸少，
梅花猶得落昭陽。

鬻拳，楚大夫，以兵諫楚文王。將軍，指陳元禮，行至馬嵬，六軍不發，強玄宗殺楊妃。

楊妃縊死馬嵬，草草殮埋，及自蜀還，重行改葬，香囊玉魚，皆殉葬物也。梅花，指梅妃，名江采蘋，以楊妃得寵，遂失幸，因得善終。

三

不須鈴曲怨秋聲，
何必仙山海上行？
只要姚崇還作相，
君王妃子共長生。

莫愁湖

淡淡春山小小舟，
一湖水氣溼妝樓，
六朝南北風流甚，
天子無愁妓莫愁。

鈴曲，雨淋鈴，玄宗憶貴妃時所作之曲。仙山，長恨歌所紀，有道士在仙山見貴妃。姚崇，開元時宰相，與宋璟齊名。

清袁枚

莫愁，洛陽人，一說石城人。莫愁湖在南京三山門外，北齊後主，號無愁天子，故云南北風流甚。

響屨廊

清蔣士銓

寵到雙趺事亦新，
笑他褒姒尚猶人。
潘家蓮瓣楊家襪，
總與西施步後塵。

二

不重雄封重豔情，
遺蹤猶自慕傾城。
憐伊幾兩平生屐，
踏碎山河是此聲。

第四集 史地詩續

褒姒，夏桀之后。姒已，商紂之后。齊東昏侯作金蓮花貼地，令潘妃行其上。楊玉環，縊死馬嵬，遺錦襪一隻。響屨廊，吳王所建，故址當在縣靈巒山。

吳王爲響屨廊，以居西施，不久爲越所滅，故曰踏碎山河。

除夕泊衢州城外

清舒位

夢想青霞好洞天，
重來飄蕩又今年。
載人夫塔還鄉少，
腸斷江山縣裏船。

浙江衢縣有爛柯山，舊名青霞第八洞天。江山船，爲浙江之豔跡。不讓於珠江艇子，秦淮花舫。傳係明太祖平陳友諒，以陳之將士眷屬充之。猶南京舊院之爲蒙古後裔也。

范文正公蜀錦亭

清吳嵩梁

大節高情兩不妨，
一亭花影幾斜陽。
相公憂樂關天下，
也有餘閒種海棠。

原注謂山亭在饒州府，舊有公手插海棠。宋范仲淹仁宗時賢相，嘗言「士當先天下之憂而憂，後天下之樂而樂。」

釣臺

清樂釣

天不容人竟隱淪，
買山何處絕紅塵？
巢由未許逃名姓，
況復君王是故人？

雄縣旅舍書懷

清屠倬

平沙得得馬蹄閒，
指顧燕南趙北間。
喜聽村氓太平鼓，
西風吹滿大雄關。

嚴光隱釣富春，而當暑披裘，示人異相。非真逃名姓之高士。或深知光武爲人之不易處，不願爲其臣下耳。

雄縣，在河北保定附近。卽古代易邑。燕南，指古燕國之南，趙北，指古趙國之北。大雄關，在雄縣西。

登報恩寺浮圖

清陳文述

靖難師來孰閉門？
孝陵雲樹黯消魂。
忠臣已盡神孫死，
卻建浮圖說報恩。

燕王起兵南下，稱靖難之師。報恩寺，在金陵南門外。成祖紀念母后者忠臣，指方孝孺、鐵鉉等，神孫，指建文。浮圖，佛塔也。

半山亭

清陳文述

苦將官禮行新法，
誤盡蒼生誤子孫。
自己一亭留不得，
青山何處更爭墩？

半山亭在南京輿地紀勝：「由縣東門至蔣山，此爲半道。」故名半山亭。宋王安石故宅。附近有謝公墩。安石有爭墩詩。

晉平原內史陸機宅

清陳文述

不歸或者爲君親，
韜晦何妨作逸民？
才略未成三世將，
文章先署兩朝人。

秦淮絕句

清秦大士

金粉飄零野草新，
女牆日夜枕寒津。
興亡莫漫悲前事，
淮水而今尙姓秦。

宅在松江縣南。陸機字士衡，祖遜父抗，俱爲吳將。太康末與弟雲俱入洛，後事成都王穎，穎起兵，機爲河北大都督，譖者謂其有異志，遂被誅。

過易水

地入幽州白日沈，
寒雲莽莽水陰陰。
亦知七首無成事，
只重荆軻一片心。

宿黃鶴樓

偶攜琴劍渡瀟湘，
黃鶴樓空漢水長。
鴻雁一聲天地闊，
破人歸夢到衡陽。

見前胡曾易水詩。

清王邦畿

八八

黃鶴樓，在湖北武昌。

清羅正明

百尺樓

清宗元鼎

素襪翩翩月一鈎，
凌雲風致想高樓。
江南歌舞尋常事，
便遣曹彬下蔣州。

橋陵

清許孫荃

黃帝乘龍去不還，
衣冠留此葬空山，
仙臺縹緲青霄上，
古柏森森翠靄間。

百尺樓，南唐李後主所建。故址在南京。後

主令宮人裹足作新月形。曹彬，宋將也，宋太祖

命曹伐南唐。蔣州，即金陵舊名，因漢末蔣子文

為秣陵尉死。後為神，葬鍾山陰，故金陵名蔣州。

橋陵，在陝西，中部縣西北，為軒轅黃帝葬

衣冠之處。相傳帝乘龍昇天。仙臺在其旁，漢武

帝所建。

吳山

吳山立馬十年豪，
撐柱青天一杵高。
今日雄心銷欲盡，
夕陽紅上赫連刀。

金陵雜詩

璧月姮娥鏡殿光，
六宮學士女兒妝。
南朝才子都無福，
不作詞臣作帝王。

清石達開

吳山在浙江杭縣。宋柳永望海潮詞，備述西湖風景，金主亮聞之，動南下之意，有「立馬吳山第一峯」之豪語。赫連蕃，姓，右賢王去卑之後。

清趙慶熹

南朝帝王好文學者，如梁武帝父子，陳後主，南唐二主，詩詞俱佳。

詠史

清張裕釗

功名富貴盡危機，
烹狗藏弓劇可悲。
范蠡浮家子胥死，
可憐吳越兩鴟夷。

韓信對漢高祖曰：「狡兔死，走狗烹，飛鳥盡，良弓藏，敵國盡，謀臣亡。」鴟夷，革囊也。伍員，被殺，以革囊盛尸，浮之江中。范蠡浮海出齊，自謂鴟夷子皮。鴟夷，複姓也。

由常山至開化折回江山凡山行四日得絕句

清江湜

常山開化江山俱浙江縣名。

四山環匝似城頭，
又着重山繞一周。
不是沿溪尋出路，
被山圍住幾時休。

濟南雜詩

清張之洞

齊疆多海魯多山，
 風土中和是此間。
 濟汶黃河三水會，
 重扃不在穆陵關。

二

龍山行盡麥田青，
 沙路無泥十里亭。
 山色雙雙齊入畫，
 泉聲步步盡堪聽。

齊魯地當今山東省，古齊地瀕渤海及黃河，魯地為泰山脈所盤互。濟水古四瀆之一，今下游為黃河所占。汶水正源為大汶河，西流入運河。穆陵關在山東臨朐縣南大峴山上，一名破車峴，左右有長城、書案二嶺，峻狹僅容一軌。

龍山在山東歷城縣東。

伏生親授濟南經，
 杜甫留題歷下亭，
 十里明湖成葦蕩，
 百年名士等晨星。

金陵雜詩

兵力無如劉宋強，
 勵精政事數蕭梁，
 何因不享百年祚？
 酖毒山川是建康。

漢伏生名勝，濟南人，故爲秦博士。文帝求能治尚書者，勝時年九十餘，不能行，帝使龜錯往受之，得二十九篇，卽今古文尚書。唐杜甫字子美，歷下亭在大明湖西，子美所謂「海右此亭古」是也。明湖卽大明湖，在濟南西北隅。

清張之洞

劉宋，六朝劉裕國號宋，蕭梁，六朝蕭道成國號梁。建康，卽今之南京也。

良鄉道中望大房山

清李慈銘

雲氣興陵尙鬱盤，
馬頭青見大房山。
金源文物陵南宋，
一代雍容大定間。

興陵係金帝山陵，金貞元三年以大房山
聖峯山爲山陵。良鄉，河北縣名。大房山在河北
房山縣西北，亦名大防山。大定，金世宗年號。

由上海至蘇州

清易順鼎

底事扁舟又入吳，
未因煙月戀姑蘇。
舊盟與我同生死，
十萬梅花一太湖。

蘇州鄧尉山盛植梅，號香雪海。

壬辰初春由滬至潯入廬山

清易順鼎

五老忘年訂久要，
青松豈爲歲寒凋。
分明白首如新意，
雪滿峯頭不肯銷。

嘉陵驛

清易順鼎

春風如夢艸萋萋，
萬里巴山更向西。
不許行人頭不白，
嘉陵江上杜鵑啼。

五老指廬山五老峯。山石骨峙，突兀凌霄，如五老人駢肩而立，廬山最高峯也。

嘉陵驛當在今四川重慶。巴山亦名大巴山，支峯繚互於漢水、長江之間，嘉陵江，四川境之巨川，亦稱巴水。

自黃州至潤州江程覽古

清易順鼎

楚天帆落已星稀，
載酒來尋赤壁磯。
一樣江山風月夜，
鵲南飛後鶴南飛。

鼎不能分卻可扛，
憤王年少氣無雙。
如何肯渡烏江去，
也學他家只辦降。

黃州今湖北黃岡縣，潤州今江蘇丹徒縣。

蘇軾前赤壁賦有「月明星稀，烏鵲南飛，此非曹孟德之詩乎」語，元豐五年十二月十九日東坡生日，置酒赤壁，酒酣，有笛聲起江上，問之，則進士李委聞坡生日，作新曲曰鶴南飛以獻。

南史蕭琛傳：「吳興有項王廟，土人名爲憤王。」史記「籍長八尺餘，力能扛鼎。項羽兵敗垓下，烏江亭長橫船勸其渡江，羽曰：『天之亡我，我何渡爲。』」

遺恨英雄定未平，
黃天蕩裏浪堪驚。
漁娃自起鳴榔去，
換了前朝戰鼓聲。

自襄樊至西安道中

鬱勃胸中萬古愁，
短衣來看茂陵秋。
藍田射獵青門飲，
訪故將軍與故侯。

宋高宗建炎四年，宋韓世忠邀擊金兀朮

於江中，大敗之於黃天蕩，世忠妻梁氏親執桴

鼓臨戰。黃天蕩在今南京東北八十里江濱。按

自老鶴嘴度白沙，橫闊三十餘里，俗呼黃天蕩。

清易順鼎

茂陵漢武帝陵也，在陝西興平縣東北。藍

田射獵指李廣犯夜事，藍田今陝西藍田縣。青

門漢長安東門也，指漢東陵侯召平種瓜事。

邠州

棠梨樹下鳥呼風，
桃李蹊邊白復紅，
一百里間春似海，
孤城掩映萬花中。

鄧尉口號

光福山前竅具區，
七層四角一浮圖，
泊舟急遽登高望，
不見靈巖只見湖。

清譚嗣同

邠州，在陝西，即古之豳國。譚嗣同爲戊戌
殉難六君子之一。其詩豪邁不羣，有鐵馬秋風
之壯。

清陳衍

鄧尉山名，在江蘇吳縣西南，漢有鄧尉隱
此，故名。山多梅樹。光福山在吳縣西，上有光福
寺，姑蘇志以光福爲鄧尉之別名。靈巖山在吳
縣西，吳王置館娃宮於此，登其巔可望具區（
太湖別名）洞庭（太湖中山）。

將至界首回望泰山

突兀奇峯次第過，
泰山西面最嵯峨。
方知正笏垂紳坐，
不及雄冠劍佩多。

登釣臺

此亦先生有託逃，
僊溪不及置身高。
釣竿在手應千尺，
東海還堪釣六鰲。

清陳衍

界首，莊名，在山東長清縣東南，南與泰安縣交界，故名界首。地在泰山之陰，爲入山孔道。今津浦路經之。

清陳衍

漢嚴子陵釣臺遺址在浙江桐廬縣富春山下，瞰富春渚，臺高數十丈，僊溪一名璜河，在陝西寶雞縣東南，水次有平石，云卽周呂尙垂釣之所。兩膝遺跡猶存也。

過平戶延平誕生處

清蘇曼殊

100

行人遙指鄭公石，
沙白松青夕照邊。
極目神州餘子盡，
袈裟和淚伏碑前。

平戶，在臺灣。鄭成功，明季起兵勤王，桂王封爲延平郡王。

弔項王

清女梁德純

中原四面楚歌聲，
百戰山河一旦傾。
能使美人先殉節，
大王畢竟是多情。

項羽兵敗垓下，美人虞姬自刎。

題芝龕記

清女秋瑾

今古爭傳女狀頭，
紅顏誰說不封侯？
馬家婦共沈家女，
曾有威名振九州。

二

搯撐乾坤女土司，
將軍才調絕塵姿，
靴刀帕首桃花馬，
不愧名稱娘子師。

芝龕記傳奇，清代董榕所著，紀女將軍秦良玉沈雲英故事，有一百餘齣，傑作也。

秦良玉，係四川石碛土司馬千乘之妻。夫死，代領其軍，所部兵精將勇，號白桿兵，屢破張獻忠，保石碛無恙。

三

莫重男兒薄女兒，
平臺詩句賜蛾眉，
吾儕得此添生色，
始信英雄亦有雌。

四

百萬軍中救父回，
千羣胡馬一時灰，
而今浙水名猶在，
想見將軍昔日才。

秦良玉奉命援遼，明崇禎帝親賜詩褒之。
見第二集。

沈雲英，浙江人，父至緒爲道州守備，拒賊戰死，雲英殺入賊營，奪其父屍而回。

五

謫來塵世恥爲男，
翠鬢荷戈上將壇。
忠孝而今歸女子，
千秋羞說左寧南！

六

忠孝聲名播帝都，
將軍報國有良姝，
可憐誰倩丹青筆？
繪出娉婷兩女圖？

左寧南，即左良玉，福王時封寧南伯，擁兵四十萬，逗遛武昌，既不討賊，又未勤王，坐視滿兵南下，國破身亡，枉爲主帥。

據芝翁記所述，沈雲英亦率師同時北征。秦之援遼，史有明證，沈是否同去，尙待稽考。

弔明故宮

寥落宮門夜不扃，
淒涼禁水血痕腥。
憑君話盡開元事，
爭奈旁人帶笑聽？
二
殘山剩水孝陵前，
杜宇魂歸一惘然，
爲問嬉春兒女子，
更誰能憶甲申年。

甲申年，李自成陷北京，崇禎縊死，係甲申年三月十九日，今尙有以是日爲太陽生日者，哀念崇禎也。

弔蘇小小墓

民國鄭齊光

三尺孤墳向水濱，
阿誰是汝舊鄉親？
南齊國已亡千載，
留得青山葬美人。

雨裏過錢塘

民國劉大白

幾朝急雨幾聲雷，
南面雲封北面開，
兩岸青山相對坐，
一齊看我過江來。

蘇小小南齊時名妓，墓在浙江西湖清袁
枚有「錢塘蘇小是鄉親」之語。

大白原姓金，因避仇家，始改名姓。此詩頗
有含蓄，或與身世有關。錢塘，江名，在浙江。

標商冊註

